

04/04/1997

Bekas pelajar IKBN adakan pertemuan

INSTITUT Kemahiran Belia Negara (IKBN) Dusun Tua akan menganjurkan pertemuan dengan bekas pelajar institut itu sempena sambutan ulang tahun ke-30, pada 1 Jun depan.

Hari Perhimpunan Raksasa Bekas-Bekas Penuntut IKBN Dusun Tua itu bertujuan mengeratkan lagi hubungan kekeluargaan antara bekas pelajar di samping menjadikan mereka sebagai `role model' kepada pelajar yang ada sekarang.

Ketua Unit Perhubungan Awam dan Kerjaya IKBN, Azimin Ismail berkata, perhimpunan itu juga untuk menjalin rangkaian hubungan erat antara bekas pelajar dengan institut terutama dengan mereka yang bergelar usahawan.

"Hubungan ini secara langsung dapat menyediakan peluang kepada pelajar sekarang untuk bekerja dan membimbing mereka membina kerjaya yang cemerlang," katanya.

Sehingga ini, kira-kira 500 bekas penuntut IKBN Dusun Tua sudah mengesahkan untuk hadir di majlis itu yang dijangka dirasmikan oleh Perdana Menteri, Datuk Seri Dr Mahathir Mohamad.

Sehubungan dengan itu, bekas pelajar yang berminat untuk menyertai perhimpunan diminta menghubungi bahagian Perhubungan Awam dan Kerjaya institut itu di talian 03-9215672.

(END)